

ՎՐԱՑ ԻՐԱՎՈՒՆՔԻ ՀՈՒՇԱՐՁԱՆՆԵՐԸ ՎԻՐԱՀԱՅՈՒԹՅԱՆ ՄԱՍԻՆ

Սույն խորագրի ներքո տակավին 1991 թ. «Նրաբեր հասարակական գիտությունների» ամսագրի № 5-ում լույս է տեսել պրոֆ. Իվանե Դուլիձեի կազմած «Վրաց իրավունքի հուշարձանները» վերտառությունը կրող վավերագրերի ժողովածուի 2—5-րդ հատորներից քաղված թարգմանաբար ներկայացվող, ստորև հրապարակվող նյութերի մի մասը: Այնտեղ էլ արժևորվել են այս վավերագրերը, որպես կարևոր աղբյուր վիրահայության, ինչպես նաև հայ-վրաց առնչությունների պատմության առումով: Այստեղ միայն հարկ ենք համարում նշել, որ հրապարակվող վավերագրերը վկայում են Քարթլիում, մասնավորապես Տփղիսի մերձակայրում, զուտ հայաբնակ գյուղերի՝ առկայությունը (օրինակ, Խատիսթելեթի, Կրծանիս), որտեղ կային հայկական եկեղեցիներ: Ինչպես երևում է կաթողիկոս Անտոն Երկրորդի հրովարտակից, Կրծանիսում ժառանգաբար տանուների պաշտոնը վարում էին Դավիթենց տոհմի ներկայացուցիչները:

Հրապարակվող վավերագրերը ուշագրավ են նաև վիրահայության սոցիալական կառուցվածքը, նրանց տնտեսական, առևտրական գործունեությունը ուսումնասիրելու տեսակետից:

Վ. Մ. ՄԱՐՏԻՐՈՍՅԱՆ

№ 1

Դ Ա Տ Ա Վ Ճ Ի Ռ

ՈՒՄԵԿԱՆՑ ՕՍԵՓԻ ՊԱՐՏՔԻ ԳՈՐԾԻ ՄԱՍԻՆ

1773 թ., փետրվարի 16

Երջանիկ միապետին Ումեկանց Օսեփը խնդրագիր է մատուցել.— Հորս պարտքը շատ է մնացել ինձ վրա: Պարտատերերը, այո, անհագստացնում են, հնար չունեն, և այդ պատճառով որդիներս Ղզլար են փախել և չեն գալիս: Երջանիկ միապետը մեզ՝ քաղաքի մովրդով (կառավարիչ) Դավիթին և Մելիք-տանուտեր Ավետիքին հրամանագիր է շնորհել առ այն, որ սրանց պարտատերերին ի մի հավաքեն և ինչ որ գտնեն սրանց պատկանող, այն էլ հատկացնեն Թումանենց: Եվ եթե ոչինչ չգտնեն, տունը վաճառեն և ինչ հասնում է Թումանենց, այնպես բաժանեն: Մենք էլ փնտրտեցինք, պարտատերերն էլ մասնակցեցին: Տնից գատ ուրիշ ոչինչ չգտանք: Այս տունը գնահատեցինք, գնահատվեց քսանմեկ թուման: Սրանից տասնմեկ թումանը գրավի գումարն էր, և տասներկու թուման էլ պարտք վերցրինք, որ սրա պարտատերերը, ովքեր ներկա էին, թումանի դիմաց երեսուն շահի տոկոս ստանան և բաժանվեն:

Տունը այն պատճառով չվաճառեցինք, քանի որ պարտատիրոջ նկատմամբ ունեցած վախից Ղզլարում են հիմնավորվել, քաղաքում որ տուն էլ չունենան, ինչի վրա հույս դնելով կվերադառնան: Գուցե սրանից հետո փորձեն (վերադառնալ) և իրենց տունն էլ փրկագնեն:

Իսկ հիմա էլ, որ պարտատերերին տան, այն էլ պիտի վճարեն, որպեսզի ոչ միապետի հպատակը կորչի և ոչ էլ պարտատերերի դրացին: Այսպիսի

սով, ինչքան որ նախկին պարտք կար, պարտատերերից ովքեր ներկա էին, թումանի դիմաց երեսուն շահի տվեցինք:

Եվ եթե գտնվի որևէ մեկը, որ ներկա չի գտնվել, կամ էլ այդ ժամանակ չի համաձայնվել, բոլորը պիտի այսպես համաձայնվեն, որ թումանի դիմաց երեսուն շահի տոկոս ստանան: Այլ կերպ պարտատերերը այս Օսեփի և նրա որդիների հետ ոչ մի գործ չունեն:

Գրվեց սույնը փետրվարի 16-ին, քրոնիկոնի 461 թ.

Երկու կնիք (վրացերեն)

1. Նորին բարձրության ծառա, փեսա Տփղիսի մովրով Դավիթ:

2. Տանուտեր Ավետիք: Վավերագրի գլխավերևում:

Մենք՝ Հերակլ արքաս, այս քաղաքի մովրովի և մելիքի կայադրած դատավճիռը վավերացնում ենք: Հուլիսի 13, քրոնիկոնի 463 թ.:

Կնիք. Քնարն է հնչում, Դավիթը որդի է կոչում Կախեթի օծյալ արքային, Հերակլ:

Վավերագրի լուսանցքում.

Մենք՝ պարոնորդի Դիորգիս, այս քաղաքի մովրովի և մելիքի կայացրած դատավճիռը հաստատում ենք. հունվարի 26, քրոնիկոնի 464 թ.:

Կնիք՝ Քաղավորի որդի Դիորգի:

Մենք՝ պարոնորդի պարոն Լեոնս, այս քաղաքի մովրովի և մելիքի կայացրած դատավճիռը հաստատում ենք: Մարտի 10, քրոնիկոնի 463 թ.:

Կնիք. օծյալ արքայաց որդուն Լեոն են կոչում անվամբ:

№ 2

ԴԱՏԱՎՃԻՌ ԵՍԱՑԻ ԱՂԱՑԻ ԵՎ ԹԱՂԱՑԻ ՈՐԴԻ ՄԿՐՏՈՒՄԻ ՊԱՐՏՔԻ ԳՈՐԾԻ ՄԱՍԻՆ

1776 թ., հունիսի 24

Զմյուռնացի Ծալի աղան Քաղայի որդի Մկրտումի հետ հաշիվ ունեւ: Եկել էր քաղաք, (իմա՝ Տփղիս — Վ. Մ) իր հաշիվն էր պահանջում: Իսկ Մկրտումը ինչ-ինչ պատճառներ էր ներկայացնում:

Այնուհետև Ծալի աղան երջանկաշնորհ միապետին մատուցել էր խնդրագիր և խնդրում էր արդարադատություն: Նորին մեծության հրամանով քաղաքի քեթխուղաները ժողով էին գումարել և որոշել: Այդ հաշվի մեջ, Քաղայի որդու վրա էր մնացել ութ հարյուր ութ ղուրուշ և տասնմեկ փարա: Այդ մաքլաղն (մնացորդն) էր պահանջում, իսկ (Մկրտումը) չտվեց:

Հետո նորից խնդրագիր մատուցեց և արդարադատություն խնդրեց: Եվ երջանկաշնորհ միապետը հրամայեց սրանց հաշիվը պարզել: Նորին բարձրության հրամանով ժողովի հավաքվեցին քաղաքի առաջնորդ Հովհաննես վարդապետի, նվիրակ Մարտիրոս վարդապետի, Գովհար դպիրի, նազարեցի որդի Հովսեփի, Մունթոյի որդի Հովսեփի և Տուրփոյի որդի Մորոսեսի մասնակցությամբ: Ինչ որ խոսելիք ունեին խոսեցին:

Քաղայի որդին ասաց. քո հաշվից ըստ քո նամակի, սոսնձի համար հինգ հարյուր ղուրուշ եմ ուղարկել, որ Բաղոյի որդու մոտ կորավ:

Ծալի աղան ասաց. իմ այն նամակից հետո նորից էի նամակ գրել քեզ, որ իմ հաշիվը լրիվ մահտեսի նաչատուրին հանձնեիր: Այլ ծախսը, որ հաշվի մեջ ես մտցրել, եթե այդ հինգ հարյուր ղուրուշը ինձ էիր ուղարկել, ինչու այդ էլ հաշվի մեջ չէիր մտցրել:

Ծալի աղան այս խնդրում իրավացի դուրս եկավ: Մենք այսպես որոշեցինք, որ այդ հինգ հարյուր ղուրուշը Քաղայի որդին պիտի հատուցի հետևյալ պատճառով, քանի որ Ծալի աղան դրել է, որ իր հաշիվը ամբողջա-

¹ Վրաց իրավունքի հուշարձաններ, հ. 4, Թբիլիսի, 1972, էջ 645—646 մավերագիր № 502 (վրացերեն):

պես մահտեսի խաչատուրին տա, եթե այդ հինգ հարյուր ղուրուշը տվել է ծսային հանձնելու համար, ապա այդ էլ պիտի հաշվի մեջ մտցնեն: Երկրորդ, այն, որ Բաղդի որդուն լեղակ և ասեղ է տվել ու պայման գրել, որ այս գլխից օգուտը բոլոր լինի, իսկ այն գլխից գործ չունես, ուրեմն այդ պայմանադիրը պիտի վերցնեն:

Եվ դարձյալ, որ մովրովի մարդու միջոցով կալանքի ես վերցնել տվել, եթե արժաթ չունեն, մուրհակ պիտի վերցնեն:

Այնուհետև շուկայում վիճել են, պիտի երկու-երեք մարդու ասեն, որ ինքը Բաղդի որդուց հինգ հարյուր ղուրուշ է պահանջում: Հետո, որ մեկիք միջոցով բռնել և գանահարել է տվել, այդ ժամանակ մեկիքին կամ երկու քեթխուրձի պիտի ասեն, որ հինգ հարյուր ղուրուշ է տալիս, որն ծսայի աղայի փողն է:

Այնուհետև ասում է, որ քաղաքից փախել է և նորից վերադարձել: Նման խարդախ մարդուն չպիտի վստահեն. կամ մուրհակ պիտի վերցնեն, կամ մեկ վկայագիր պիտի պատրաստեն, եթե իրավացի էր:

Այնուհետև Թաղայի որդին ընկերոջ հետ միասին, եթե Բաղդի որդու հետ հաշիվ ունեն և քառասուներեք ղուրուշ է ներդրել և տվել Թաղայի որդուն, եթե որևէ հաշիվ ունեն, այլևս չպիտի տար, պիտի իր մայր գումարի մեջ պահեն:

Ո՛չ վստահելի վկա, ո՛չ լիազորագիր ունի, արդյոք այդ հինգ հարյուր ղուրուշը տվել է ծսայի աղային, թե ոչ, ոչ ոք չգիտի, ոչ շատը, ոչ քիչն է տված երևում: Ծսայի աղան այս խնդրում անմեղ է:

Վերը հիշատակված ութ հարյուր ղուրուշը ամբողջապես և տասնմեկ փարան Թաղայի որդի Մկրտումը ծսայի աղային լրիվ պիտի տա:

Մեր խելքը այդպես կտրեց, և նորին մեծության հրամանը սրանով կատարված ենք համարում:

Հունիսի 14, բրոնիկոնի 464 թ.:

Յոթ հայատառ կնիք:

Վրացագիր կնիք՝ Աստծո ծառա դպիր Գովհար:

№ 3

Դ Ա Տ Ա Վ Ճ Ի Ռ

ՄՋԵՃԱՐՈՒԿ ՕՐԲԵԼԻԱՆԻԻ ԺՈՐՏ ԱՎԱԳԻ ԳՈՐԾԻ ՎԵՐԱԲԵՐՑԱԼ

1777 թ., մայիսի 11.

Մզեճաբուկ Օրբելիանին գանգատվում էր ջուլհակ Ավագին իր ճորտը համարելու առթիվ, սրանց երկու կողմերի վկաները վկայում էին: Սրանց վկաների վկայությունը պարզելու և դատավճիռ կայացնելու համար երջանիկ միապետը իր ծառա դպրապետին հրամայեց:

Սրանց վկաները բոլորը անձամբ գրավոր վկայություն ներկայացրին, որը այս երկրորդ թերթի վրա մեկ առ մեկ գրված է: Ավագի վկաների վկայությունը երկրորդ կողմի վկայությունից թեև ավելի թույլ է, սակայն այդ պարագան Ավագի վկաներին կեղծիքի մեջ չմտցրեց, քանի որ տեղի ծսային էլ այս վկաների օգտին էր խոսում: Բայց դատարանում այսպես հայտարարեց, երբ պարոնի հրամանով քաղաքը ցուցակագրեցինք և օտար մարդիկ էինք փնտրում, այն ժամանակ այս ջուլհակ Ավագը գրվեց որպես Օրբելու ճորտ և այս Ավագի վկաներն էլ այս պարագան չժխտեցին և այսպես հայտարարեցին, ճշմարիտ է, Օրբելու ձեռքի տակ էր: Քանզի այդ այդպես է եղել, եթե այս Ավագը Օրբելուն չպատկաներ, մատյանում էլ որպես Օրբելու ճորտ չէր գրանցվի:

Այժմ մենք այս երկու կողմերի վկաներից սաուգապես այսպես տեղեկացանք, մինչ տեր Ծսային մատյանը կգրեր, դրանից առաջ ջուլհակը Որդի-լուց զատ ոչ մի տեր չի ունեցել և ոչ էլ որևէ մեկին ծառայել է:

Այս մենք այսպես պարզեցինք և տեղեկացանք: Արդ կամքը նորին բարձրությանն է, գրվել է մայիսի 11-ին, քրոնիկոնի 465 թ.:

Հինգը կնիք.

1. Դատում է դատավորը [Մեկ նախադասություն անհասկանալի է- Վ. Մ.], Իռանե, 1748:

2. Ծս՝ Ամիրխան, որպես դատավոր զորապետ եմ թագավորի զորությանը:

3. Քախտար

4. Աստծո ծառայող զորապետ

Թեհմուրազ

5. Աստծո ծառայող Թումանիշվիլի

դպիր Սուլիսան:

Վավերագրի վերին մասում

Մեր հրամանն այս է: Այն, որ Մզեմբուկ Օրբելիանիի մասին այսպես ևն վկայում, թի իբր Ավագի մորից ևն լսել, Վափլանիշվիլու տիրույթը, երբ գաղթեց, այս Ավագին երկու տարեկան հասակում իր հետ բերեց: Եվ այդ են վկայում Երևանի երկրից եկածները, սկզբից եկել են Վաշլուվան և ճորտադրվել Օրբելուն: Այն, որ այդպես է եղել Դմիտրի էշիկաղաբաշին էլ է հաստատում, քանի որ դա այդպես է եղել, այդ ջուլհակ Ավագին հրամանով հանձնում ենք Մզեմբուկ Օրբելիանիին: Եթե այդ պատճառները չունենար, քաղաք գալուն պես չէր հատկացվի, որովհետև ում որ քաղաքն է պատկանում, օտար երկրից եկած մարդն էլ նրանք կլինի:

Ծսավու Ղորղանի որդի Մանուշար, այս ջուլհակ Ավագին հանձնիր Մզեմբուկին:

Գրվել է մայիսի 12-ին, քրոնիկոնի 465 թ.: Կնիք. ես ոտնվանների (իմա՝ եպիսկոպոսների-Վ. Մ.) շնորհիվ եկեղեցին մեծարեցի՝ Հերակլ³:

Ջուլհակ Ավագի վկաների վկայությունը

Երջանիկ միապետին հետևյալն ենք հայտնում. ջուլհակ Ավագը, որ բերվեց, սկզբնապես մեզ մոտ եկավ, չորս տարի մեզ մոտ մնացին: Ծս՝ Բարխուդարի որդի Արուսիկան, սուլնի վկան եմ:

Բոլնիսեցի Բայանդուրս ձեզ հայտնում եմ, այս Ավագն երևանցի է, վեց տարի սրանց գյուղերում եմ բնակվել, սուլնի վկան եմ Աստծո առաջ, հոր անունն Օհան էր, գյուղի տանուտերն էր: Թող ձեր կամքը կատարվի:

Ծս մահտեսի տեր Օհանես, հայտնում եմ. մեկ տարի դրացի էի այս Ավագին քաղաքում, իր զոքանչի հետ վեճ ուներ, իր տնից,—ասում էր նրան,—դուրս գնա, որ Ղափլանենք վաղը մյուս օրը վիճաբանություն չսկսեն ինձ հետ, թե իբր իմ ճորտն ես: Աստծո առաջ սուլնի վկան եմ:

Ղալդուլեցի Փանոսի որդի Ազարիաս սուլնի վկան եմ. ճշմարտությանը հավատացեք, բնիկ երևանցի է, երբ Բարխուդարի որդի Արուսիկան տնից դուրս եկավ, ես անձամբ ութ տարով նրան աշակերտության եմ տվի, և որ շափահաս դառավ, դրա ճորտի աղջկան կնության առավ: Կամքը ձերն է:

Մեզեմբուկ Ղափլանիշվիլու վկաների վկայությունը

Ծս՝ Տեր Բաղդասար, այս ջուլհակ Ավագի խոստովանահայրս, այսպես եմ վկայում: Նախ, երգվում եմ Աստծո և հետո Հերակլ արքայի առաջ, որ երբ այս աղային մայրը բերեց, մշտապես նրան ճանաչել եմ որպես Օրբելու:

³ Նույն տեղում, էջ 34—35:

ճորտ, մորս ներկայությամբ մահացավ, խոստովանահայրը ես էի, երբ առաջին կնոջ հետ ամուսնացավ, ես եմ պսակադրել, և ծառայում էր Օրբելուն: Քսաներեք թե քսանչորս տարվա ձեռնադրված քահանա եմ, երգվում եմ սուրբ Երուսաղեմում գտնվող Քրիստոսի գերեզմանով, էջմիածնով, հոգևոր տիրոջով (իմա՝ կաթողիկոսով-Վ. Մ.) և սուրբ Գրիգոր Պարթևացու աջով, որ այս ժամանակաշրջանում եղել է Օրբելու ճորտը: Ծշմարիտ է, հայի տանն էր բնակվում, Օրբելու տանը չէր բնակվում, որոշ ժամանակ տերտերի մոտ էին բնակվում մայր ու որդի, երբեմն էլ Գարեթուբանում էին լինում մայր ու որդի մեկ հյուղարկում՝ Սածղլեում, սակայն Օրբելուն եմ պատկանել: Դուք հրամայեցիք, որ եթե սովի ժամանակ Օրբելու մոտ եմ եղել, ուրեմն նրան եմ պատկանել: Ես երգվում եմ Ձեր արևով, որ սովի ժամանակվանից շատ ավելի առաջ եղել է Օրբելու մոտ: Թող լինի միապետի կամքը: Իմ կարգի շնորհը վկա, որ այս ամենն այսպես է եղել:

Ես՝ Շուլավերցի Գրիգոր, Ձեր ճորտը սույնի վկան եմ, որ լս և այս

Ավագ տղային սպահանցի ջուհակին հանձնեցինք: Նա ութ տարեկան տղա էր, և այդ ջուհակին Օրբելին հանձնեց, և նրան էր պատկանում: Երկրորդ, դարձյալ այն, որ նրա մայրն ինձ ասել է, երբ Սաղափլանիշվիլուն (իմա՝ Ղուփլանիշվիլիներին պատկանող կալվածքը-Վ. Մ.) գաղթեց, ես այրի էի և երկու տարեկան այս Ավագին հետս տարա Շիրակվան: Այնտեղ երկրորդ ամուսինս մահացավ: Եվ այս Ավագը դարձյալ ինձ հետ էր, եկա Օրբելու մոտ: Երգվում եմ Աստծով և միապետի առջև, որ այս այդպես է եղել, թե չէ ես նրա ճորտը և ենթական չեմ: Տակավին չառ չէինք գնացել, որ այդպես է եղել և այդպես եմ ականատես եղել, թող վկա լինի այն օրը, որ կգամ և այլևս չեմ վերադառնա (իմա՝ երգվում է իր կյանքով-Վ. Մ.):

Ես՝ Բարամի որդի Գրիգոր, երգվում եմ Աստծո և Հերակլ թագավորի առջև, որ այն, ինչ լսել եմ տերտերից և Գրիգորից, այն էլ գրում եմ Աստծո առաջ:

Աստված պարոնի դպրապետերի ցավը տա վաշտվանցի տերտերներին և վաշտվանցիներին: Այնուհետև այս եմ հայտնում, ճշմարիտ բացատրություններն այս է, Մզեճաբուկը, երբ խոսում է Ավագի մասին, վաշտվանում էլ և բաղաբուլում էլ Օրբելուն էին ծառայում: Եվ մենք քահայանություն ենք կատարել և աշակերտ էլ է եղել: Երեք անգամ հարսանիք էլ է արել և մենք պսակադրել ենք, մորն էլ մենք ենք թաղել և կնոջն էլ, երեսաններին էլ մենք ենք կնքել, սովից մեկ տարի առաջ ավագ քահանա եմ եղել մինչև օրս:

Ես՝ վաշտվանցի Ղուգանի որդի Բերոս, հետևյալն եմ հայտնում. Վաշտվանը քեռ էր գաղթել, մայր ու որդի իմ տանն էին բնակվում և Օրբելուն էին: Ծառայում: Ծշմարիտ բացատրությունն այս է: Պարոն դպրապետ էջմիկաղաթբաշի Դիմիտրիին հետևյալն եմ հայտնում, երգվում եմ Աստծո և Հերակլ արքայի առջև, որ ինչ լսել եմ և այս վաշտվանցիներն ասել են, որ այս մարդն Օրբելու մոտ է ապաստանել, այո, երկար ժամանակ է ապրել, ես էլ ալստեղ եմ նրան տեսել և դրա համար եմ բացատրում: Այսօր ցարդ այս մարդու հետ ոչ ոք առնչություն չի ունեցել, և եթե հիմա խլեք, կամքը ձերն է:

Ես, Ղանդիաշվիլի Մարգարոս, սույնի ականատեսն և վկան եմ, երբ պարոն Զառ մեկնեց, այդ ժամանակաշրջանում Օրբելուն էր ծառայում: Հետո նաև այսքո ցավը տանեմ, երբ որ Գարեթուբանը գաղթեց և քաղաք եկավ, դրանից հետո մի փողոցում հարևանությամբ էինք բնակվում, և ամբողջապես Օրբելուն էին ծառայում և այս էլ է ինձ ասել. երանի թե քո պարոնը քեզ վաճառի, որ Օրբելուն քեզ գնել տամ, որ երկուսս էլ միևնույն տիրոջ ճորտներ լինենք: Աստծո և միապետի առաջ երգվում եմ, որ այդ այդպես է եղել:

Ես՝ ուստա Նազարենց՝ Թամաղոս, Ղանդինենց Մարգարի խոսքերի համաձայն այս վկայությունը գրավոր տվեցի Աստծո առաջ: Ես Բերձենիշվիլի

Պետրես, այս վերոգրյալի ականատեսը և վկան եմ Մարգարի ասած խոսքերի, Աստծո առաջ սրա վերոգրյալ խոսքի ականատեսը և ականջալուրն եմ⁴:

№ 4

Դ Ա Տ Ա Վ Ճ Ի Ռ

ԴԱՏԱՎՃԻՌ ԱՐՈՒԹԻՆ ԵՎ ԻՍՐԱՅԵԼ ՊԱՅՏԱՐՆԵՐԻ ԳՈՐԾԻ ՄԱՍԻՆ

1778 թ., հոկտեմբերի 30

Պարոն (գանձապետի) սալթիսուցեսի հրամանով պայտարների դատը վարելու համար նիստ գումարեցինք մենք՝ Բեթղեհեմի քահանա տեր Օհանեսը և Ղորղանիշվիլի Գիորգին և կաթսայագործ Շաքրոն ու նպարավաճառների ուստաբաշի Դանելը:

Խանութի վերաբերյալ մեր խելքով Աստծո առաջ այսպես որոշեցինք, որ բոլորը խանութից դուրս էին եկել, իսկ Արուսիկը դուրս չէր եկել: Մենք այսպես որոշեցինք, որ խանութը Արուսիկին և Իսրայելին է պատկանում: Ինչքան որ Իսրայելը խանութի վրա ծախսի՝ կեսը Արուսիկինն է, կեսն էլ՝ Իսրայելինը: Ծախսը պիտի կիսել:

Դատը մենք վճռեցինք, իսկ հրամանը Ձերն է:

Գրվեց հոկտեմբերի 30-ին, քրոնիկոնի 466 թ. (1778 թ.): Ձորս վերահիշյալ անձանց կնիքները⁵:

№ 5

ԴԱՏԱՎՃԻՌ ՀԱՂՊԱՏԻ ԵԿԵՂԵՑՈՒ ԳՈՐԾԻ ՄԱՍԻՆ

1779 թ. մարտի 2

Երբ նորին մեծությունն Վրաստանի օծյալ արքա Թեհմուրազի որդի Հերակլ Երկրորդը՝ Քարթլիի և Կախեթի արքան, Ղազախի և Բորչալուի տիրողը, իր Աստծո սպասավոր հզոր աշով Տփղիսի բերդը խլեց թուրքերից և տիրեց որպես սեփականի, այդ ժամանակ բերդի ներսում ի հայտ բերեց նորաշենի տաճարը և քանդի հնուց ի վեր Հաղպատինն է եղել, նույն եկեղեցուն էլ նվիրաբերեց:

Այնուհետև որոշ ժամանակ անց Ղաթմազի որդի Փիլիպեն դրա շրջակայքում տուն կառուցելու տեղ խնդրեց, և նորին մեծությունը այդ տաճարի պարսպից դուրս շնորհեց տան տեղը:

Եվ քանի որ այս դեպքը նորերս էր տեղի ունեցել, իհարկե, շատերն էին հիշում, թե պարսպի հիմքը որտեղ էր գտնվում և թե տուն կառուցելու համար ինչ տեղ է շնորհվել, որտեղ այն ժամանակ հասարակ ռամիկներ էին քողտիկներում բնակվում, այն էլ ճշտվեց գրվել է, որոնց վկայությունները այս վավերագրի մյուս երեսին արձանագրված են, իսկ տեր Փիլիպեն այդ տեղերում չէր բնակվում, պարսպի ներսում տեղ ուներ:

Քանի որ այդ տեղերից այդ քողտիկները վերցրին և կրպակներ շինեցին, եթե այդ տեղը գիտցող ճանաչող մարդ չլիներ, որ իմանար, թե որն ումն էր պատկանում, շփոթմունք կլիներ: Սակայն տվյալ պահին նման մարդիկ կային, որոնցից ոմանք կառուցողներն էին և ոմանք էլ տեղերի գիմաց վարձ հավաքողները, որոնք լավ էին հիշում:

Եվ այս խոսելիքը, որ առաջ բերին Հաղպատի եկեղեցու հովիվները և տեր Փիլիպեն, նորին մեծությունն արքայի և նորին սրբություն կաթողիկոս-

⁴ Նույն տեղում, էջ 36—37:

⁵ Նույն տեղում, էջ 66—67:

պատիարք արքայազն Անտոնի հրամանով այս գործը քննեցինք և արդարադատությանը ներկայացրինք մենք՝ արքեպիսկոպոս Բեսարիոնը, վարդապետ Ստեփանեն, տեր Ափրիամը, տեր Սալյին, տեր Ակոփը և քաղաքի այլ բազում քահանաներ, ինչպես նաև աշխարհիկ այրերից՝ ախոռապետ Իևսեն, պրապետ Թեհմուրազը, դատավոր Իեսեն, դպիր Սուլխանը, Թումանիշվիլի դպիր Սուլխանը, Բեգթարերգի որդի դպիր-գանձապետ Սուլումոնը, դպիր Մանուշարը:

Ինչպես նաև քաղաքի մեկիք-տանուաեր Ավետիքը, Արեսուլումենց Հասրաթը, Թադուենց Մկրտումը, որը այդ կրպակներ շինողն էր և սահմաններ գիտցողը, նազարեգի որդի Օսեփը, որ այս գործին քաջատեղյակ էր մուշրիլ՝ 'Լորդանաշվիլի 'Իավիթը՝ հենց սկզբից այդ տեղերի վարձը գրանցողը և պերցնողը, ինչպես և շատ այլ մոթալաքներ:

Մեզ՝ դատավորներին, սրանք քայլաչափով ցույց տվեցին այս տեղը, որ շնորհվել էր տեր Փիլիպին, այս էլ ասացին, որ տաճարի պարսպի հիմքի վրա գտնվող կրպակները, դրան հանդիպակաց կրպակները ճակատով հյուսիս են նայում իսկ տաճարի պարսպն այն է, որ նայում է դեպի արևելք թիկունքով դեպի տաճարն է ուղղված: Այս կրպակների հիմքը հենց տաճարի պարսպի հիմքի վրա է բարձրանում, պարոնի ողորմածությամբ կալվածքն էլ տաճարին է և շինվել է Հաղպատի ծախքով: Եվ բոլորը ձեռքները սրտյն դնելով և վերեն Աստված ասելով հավաստեցին այս ամենը:

Մենք, բոլորս այստեղ հավաքված հոգևոր և աշխարհիկ այրերս, այսպես որոշեցինք, քանի որ այսքան մարդ ձեռքը սրտին դնելով այսպես ինչ այտարարում, մենք սրանց հավատացինք, այսօր եղած կրպակները, որոնք արևելահայաց են ու դեպի հրապարակ են ուղղված, իսկ թիկունքով տաճարն են ուղղված՝ դրանք Հաղպատին են և մնում են այդ եկեղեցուն:

2-ը մարտի, 1779 թ., քրոնիկոնի 467 թ. Հինգ կինք: Սրա պատճենը տեսա և այդ փաստաթուղթը կնքեցի ես՝ Նոթի որդի Մերար, Կնիք: Սրա պատճենը տեսա, այս դատավճիռը հաստատեցի ես՝ տեր Շմավոնի որդի կոտսեր Ստեփանս: Երեք կնիք: Սրա պատճենը տեսա և այս կնքեցի, տեր Ղազարանց Շաքրոյի որդի Ազալոս, (կնիք): Սրա պատճենը տեսա նորին մեծության կողմից վավերացված, այս պատճենը բնագրի հետ համեմատված Եսսույի ձեռքին տեսա ես՝ Թադոյենց Մկրտումս: Երեք կնիք: Սրա պատճենը տեսա և այս դատավճիռը արտագրեցի ես՝ նորին սրբության քահանա-վանական Նեոփիտես:

Ես՝ համայն Վրաստանի պատիրարք արքայազն Անտոնս, այս դատավճիռների դատավճռի հետ համաձայն եմ և վավերացնում եմ:

2-ը մարտի 1779 թ.:

Իոանն դպրապետ Օրբելիանիս այս դատավճիռը հաստատում եմ: Կնիք նվաստ արքեպիսկոպոս Գերվիսան անարժան վարդապետ Ստեփանն:

Վավերագրի գլխավերևում: Մենք՝ օծյալ արքա Թեհմուրազի որդեհ Հեթակ Երկրորդս, Վրաստանի՝ Քարթլիի, Կախեթի և այլ, և այլ տիրույթների տիրակալս, այս դատավճիռը վավերացնում եմ:

Քանի որ այս եկեղեցին Թումանյաններին է պատկանել, երբ Աստծո օգնությամբ Տփղիսի բերդը գրավեցինք, ալս եկեղեցու պատկանելությունը Գորջասպ դպրին հաստատել տվինք և որպես Հաղպատի պատկանելիք վավերացրինք:

Գրվել է մարտի 5-ին, քրոնիկոնի 467 թ.: Կնիք:

№ 6

ԴԱՏԱՎՃԻՌ՝ ՉՈՐԱՆԱՀՎԻԼԻՆՆԵՐԻ ԵՎ ՄԵԼԻՔՍԵԹԵՆՑ ՆԱՍԻՐԻ ԳՈՐԾԻ ՄԱՍԻՆ

1779 թ., մարտի 6

Չոբանաշվիլի Մոսեն և Դավիթը Ղազարի Կողրի բնակիչ Մելիքսեթի որդի Նասիրի ճորտը համարելու առթիվ վիճում էին։ Մեր բնիկ ճորտն ես Սուղրուղաշենցի,-ասում էին նրանք,-քանի դեռ Սուղրուղաշենը շեն էր, քո այրը այնտեղ էր ապրում և մեզ էր ծառայում, և երբ Սուղրուղաշենը մարդաթափ եղավ, դուք ևս գաղթեցիք և գնացիք։ Եվ քեզանից բաժանված մեկը այսօր էլ մեր ճորտն է և մեզ է ծառայում։ Նասիրը պատասխանում էր. պապենական-հորական կողմից բնիկ կողբեցի եմ և ոչ իմ հայրը և ոչ ես Սուղրուղաշենում չենք բնակվել։ Միսխանեցի Բաբուլը և խեչատուրը ներկայացան և այսպես վկայեցին.-Նասիրը հորպապի կողմից կողբեցի է, նրա Չոբանաշվիլու ճորտ լինելու մասին չենք լսել։

Մենք՝ դատավորներս, վեր հիշատակված վկաներին երդման բերեցինք, (որ նրանք) ուտի ելնեն և այսպես երդվեն.-Նասիրը բնիկ կողբեցի է, Նասիրից բաժանված մեկը, որ եկել է Չոբանաշվիլիների մոտ, այս Նասիրը չի եկել նրանց մոտ և այսօր էլ բաժնյալ կալվածքը մնացել է Նասիրին։ Եվ եթե ոչ ի՛նչ խիզախությամբ, ապա ժառնգաբար ծուղրուղաշենցիները գործ չունեն (Նասիրի հետ)։ Եթե այսպես երդվեն վերը հիշատակված վկաները, ուրեմն կողբեցի կհամարվի Նասիրը և կմնա որպես թագուհու սեփականություն։ Իսկ եթե չերդվեն, կմնա որպես Չոբանաշվիլիների ճորտ։

Յասավուլ, այս գործը այսպես կատարիր քրոնիկոնի 467 թ.։ Երեք կնիք։ Ինչպես այս դատավճռում էր պետք վկաներին երդվեցնել, այդպես էլ երդվեցին։

Նասիրը կողբեցի դուրս եկավ և մնաց որպես թագուհուն պատկանող։ Մարտի 10, քրոնիկոնի 467 թ.։ Երեք կնիք

Պարոնի դատավորների վճիռը հաստատում ենք մենք՝ վրաստանի թագուհի Դարեջան։

Մարտի 11, քրոնիկոնի 467 թ. (1779 թ.)։

№ 7

ԽՆԴՐԱԳԻՐ

ԱՅՎԱԶԻ ԸՈՐՏՈՒԹՅԱՆ ՎԵՐԱՐԵՐՅԱԼ ՀԵՐԱԿԻ 2-Ի ԴԱՏԱՎՃԻՐՈՎ ՀԱՆԴԵՐՁ

1792 թ., հոկտեմբերի 16.

Աստված երջանիկ միապետի ցավը տա Սղնաղի բնակիչ Այվազին։

Իմ բացատրությունը հետևյալն է.- Երբ մայրս գեղջկություն էր անում Սղնաղում, ես կաթնակեր երեխա եմ եղել։ Վաթսուն տարեկան մարդ եմ, չգիտեմ ոչ հորս հայրենիքը և ոչ էլ հորս հիշատակն եմ ունեցել։ Վաթսուն տարի է, քո Սղնաղի բնակիչն եմ հանդիսանում։ Այժմ Բաշբեուքի որդին վիճարկում է (իմ պատկանելությունը)։ Աստված հաղթանակ շնորհի քեզ, դատավճռի արժանացրեք ինձ։ Հոկտեմբերի 9-ը, քրոնիկոնի 480 թ.։

Դատավճիռ

Մեր հրամանն այս է. այս խնդրագրի տերը, որ այս խնդրագրով այսպես գանգատվում է, նրան և Բաշբեուքաշվիլու այրուն երկուսին միասին դատարանում լսեցինք։ Այվաղի որդու մասին շատերն էին վկայություն տալիս, ինչ-

պես խնդրագրում է բացատրվում, առ այն, որ այդ հասակում է եկել Սակայն սրան ամբաստանողը հեռուն էր միտում։ Ոչ թե այդ հասակում է եկել, երբ դուք Աբրիսում էիք գտնվում, այդ ժամանակ է եկել Քանի որ այն ժամանակվա եկած է, այս Ավագի հետ Բաշրեուքի որդին ոչ մի անշուքյուն չունի։ Քանդի մենք այսպես ենք սահմանել։ Երջանկաշիշատակ մեր հայր արրա Թեհմուրազը, երբ մեկնեց Ռուսաստան, ով այդ ժամանակվանից հետո գաղթել է Կախեթ է եկել, նա դարձյալ պիտի գաղթի ե իր տիրոջը հանձնվի, պիտի պահվի։ Իսկ եթե այդ ժամանակից առաջ է գաղթած եղել, ուրեմն սյդսիսին ենթակա չէ գաղթեցման։ Մենք այդ սահմանել ենք իրավամբ։ Եվ Քիդիլի կառավարիչ, այդպես իմացիր։

Եվ սրանից դատ, եթե Կախեթում նմանօրինակ վերաբնակիչներ են եղել ու դնալ-գալ են ունեցել, կամ էլ հանձնված են եղել որևէ մեկին, հանձնման փաստաթուղթ էլ պիտի ունենան, այդպիսին ինչ ժամանակ էլ եկած լինի՝ թեկուղ զղլլաշության, թեկուղ օսմանության ժամանակ, նա իր հեն տիրոջը չպիտի վերադարձվի։ Միայն գնալ-գալով չի լինի, եթե որևէ մեկին հանձնված չի եղել և կամ էլ որպես ճորտ չի ծառայել նրան։

Հոկտեմբերի 16, քրոնիկոնի 80 թ.։
Հետգրություն։ Երջանկաշիշատակ պարոն՝ արքա Հերակլի կողմից է շնորհվում։ Եվ Լև Ասլան Վաչնաձես, արտագրեցի՝

8 նույն տեղում, էջ 582—583։